



Broj: 02-04.1-342/20  
Brčko, 14. 5. 2020. godine

Na osnovu člana 11. Zakona o javnoj upravi Brčko distrikta Bosne i Hercegovine („Službeni glasnik Brčko distrikta BiH”, broj: 19/07, 2/08, 43/08, 9/13, 48/16 i 09/18), člana 12. stav (1) tačka c) Zakona o Direkciji za finansije Brčko distrikta BiH („Službeni glasnik Brčko distrikta BiH”, broj: 19/07, 35/17 i 3/19) i člana 15. stav (2) Zakona o ublažavanju negativnih ekonomskih posljedica izazvanih stanjem prirodne nesreće zbog COVID-19 u Brčko distriktu Bosne i Hercegovine („Službeni glasnik Brčko distrikta BiH”, broj 17/20), na prijedlog direktora Porezne uprave, direktor Direkcije za finansije Brčko distrikta BiH d o n o s i

## **UPUTSTVO**

### **o provođenju Zakona o ublažavanju negativnih ekonomskih posljedica izazvanih stanjem prirodne nesreće zbog COVID-19 u Brčko distriktu Bosne i Hercegovine**

#### **Član 1. (Predmet)**

Uputstvom o provođenju Zakona o ublažavanju negativnih ekonomskih posljedica izazvanih stanjem prirodne nesreće zbog COVID-19 u Brčko distriktu Bosne i Hercegovine (u daljnjem tekstu: Zakon COVID-19) bliže se utvrđuju obaveze Direkcije za finansije Brčko distrikta Bosne i Hercegovine, Porezne uprave (u daljnjem tekstu: Porezna uprava) i poreznih obveznika prilikom provođenja Zakona COVID-19.

#### **Član 2. (Ostvarivanje prava na subvenciju)**

- (1) S ciljem ostvarivanja prava na subvenciju iz člana 4. Zakona COVID-19, Porezna uprava daje podatke Odjeljenju za privredni razvoj, sport i kulturu o izmirenim obavezama za poreze i doprinose uz sve isplaćene plate zaključno s februarom 2020. godine, na osnovu spiska poslovnih subjekata koje dostavi Odjeljenje za privredni razvoj, sport i kulturu s ciljem provođenja člana 4. stav (7) tačka a) Zakona COVID-19.
- (2) Spisak iz stava (1) ovog člana obavezno sadrži:
  - a) naziv poreznog obveznika i
  - b) jedinstveni identifikacioni broj, odnosno JIB.
- (3) Pod porezom iz stava (1) ovog člana smatra se plaćeni porez na platu.

#### **Član 3. (Kontrola)**

- (1) Porezna uprava vrši kontrolu namjenskog trošenja dodijeljenih sredstava poreznim obveznicima na osnovu spiska koji joj je dužno dostaviti Odjeljenje za privredni razvoj sport i kulturu, a koji obavezno sadrži:
  - a) naziv poreznog obveznika,
  - b) jedinstveni identifikacioni broj poreznog obveznika, odnosno JIB,
  - c) broj zaposlenih radnika,

- d) ukupan iznos isplaćen po osnovu subvencije za svakog poreznog obveznika pojedinačno po mjesecima i
  - e) broj žiroračuna na koji je izvršena isplata subvencije.
- (2) Porezni obveznik koji je ostvario pravo na subvenciju dužan je nakon izvršenih uplata u skladu s članom 5. stav (1) Zakona COVID-19, Poreznoj upravi dostaviti izvod iz poslovne banke na kojem se vidi svaki pojedinačni transfer, odnosno namjensko trošenje sredstava.
  - (3) Izvod iz stava (2) ovog člana porezni obveznik je dužan dostaviti Poreznoj upravi u roku od deset dana od dana izvršenog plaćanja i to: poštom, na protokol Porezne uprave ili na e-mail: [poreskauprava.brcko@df.bdcentral.net](mailto:poreskauprava.brcko@df.bdcentral.net).
  - (4) Porezna uprava na osnovu prikupljenih podataka iz stavova (1) i (2) pokreće postupak kontrole namjenskog trošenja dodijeljenih sredstava.

#### **Član 4.**

##### **(Obračun zakonske zatezne kamate)**

- (1) Zakonska zatezna kamata na javne prihode koje naplaćuje Porezna uprava se obračunava zaključno sa 6. 5. 2020. godine.
- (2) Zakonska zatezna kamata se ne obračunava na javne prihode koje naplaćuje Porezna uprava počevši od 7. 5. 2020. godine pa sve dok traje stanje prirodne nesreće i 90 dana od dana prestanka stanja prirodne nesreće.

#### **Član 5.**

##### **(Oslobađanje plaćanja)**

- (1) Prilikom podnošenja zahtjeva za porezno uvjerenje svaki porezni obveznik kojem je bio zabranjen rad popunjava i potpisuje izjavu u kojoj navodi do kada mu je bio zabranjen rad te na osnovu te izjave Porezna uprava neće vršiti naplatu akontacija poreza na dobit, odnosno poreza na dohodak od samostalne djelatnosti do dana prestanka zabrane rada usljed stanja prirodne nesreće i 60 dana nakon prestanka zabrane rada usljed stanja prirodne nesreće.
- (2) Izjava iz stava (1) ovog člana je sastavni dio ovog uputstva (Aneks I).
- (3) Svi poslovni subjekti koji podnesu zahtjev za umanjenje ili ukidanje akontacije poreza na dobit, odnosno poreza na dohodak od samostalne djelatnosti dužni su uz navedeni zahtjev podnijeti izmijenjenu poreznu prijavu za 2020. godinu na propisanom obrascu.
- (4) Porezna uprava će ukupno zaduženje po rješenju o utvrđivanju poreza na dohodak u paušalnom iznosu za 2020. godinu umanjiti za iznos poreza na dohodak srazmjerno vremenu u kojem porezni obveznik nije radio, počevši od aprila 2020. godine pa sve dok traje stanje prirodne nesreće i 60 dana nakon prestanka stanja prirodne nesreće.
- (5) Porezni obveznici koji plaćaju porez od privređivanja igara na sreću putem automata u paušalnom iznosu prilikom podnošenja porezne prijave za 2020. godinu ne vrše obračun paušalnog poreza na automate počevši od aprila 2020. godine pa sve dok traje stanje prirodne nesreće i 60 dana nakon prestanka stanja prirodne nesreće.

#### **Član 6.**

##### **(Odgoda plaćanja poreza na nekretnine)**

Prilikom zaduživanja poreza na nekretnine za 2020. godinu na analitičku karticu poreznog obveznika Porezna uprava je dužna kao datum valute knjižiti 31. 12. 2020. godine za kalendarsku 2020. godinu.

#### **Član 7.**

##### **(Moratorij na prinudnu naplatu)**

- (1) S ciljem provođenja člana 10. Zakona COVID-19 Porezna uprava ne provodi mjere prinudne naplate, ali donosi rješenje o pokretanju postupka prinudne naplate i vrši provjere imovnog stanja poreznog obveznika.
- (2) Nakon pokretanja postupka prinudne naplate i prikupljenih podataka o imovnom stanju poreznog obveznika Porezna uprava vrši upise založnih prava, ali ne pokreće izvršne postupke sve do prestanka stanja prirodne nesreće, odnosno do isteka 30 dana od dana prestanka stanja prirodne nesreće.

**Član 8.**  
**(Stupanje na snagu)**

Ovo uputstvo stupa na snagu prvog narednog dana od dana objavljivanja u „Službenom glasniku Brčko distrika Bosne i Hercegovine”.

**Direktor Direkcije**  
Mato Lučić, dipl. oec.

\_\_\_\_\_  
Naziv poreznog obveznika

\_\_\_\_\_  
Jedinstveni identifikacioni broj (JIB)

\_\_\_\_\_  
Ime i prezime vlasnika / odgovornog lica

\_\_\_\_\_  
Adresa sjedišta poreznog obveznika

\_\_\_\_\_  
Kontakt telefon, e-mail

**IZJAVA**

Ja, \_\_\_\_\_, pod punom materijalnom i krivičnom odgovornošću izjavljujem da pravno lice / samostalni preduzetnik \_\_\_\_\_ nije obavljao djelatnost u periodu do \_\_.\_\_.\_\_\_\_. godine, a po osnovu (zaokružiti odgovor):

- a) zabrane rada po naredbi gradonačelnika jer obavlja \_\_\_\_\_ djelatnost,
- b) zabrane rada po naredbi gradonačelnika zbog povezanosti s pravnim licima kojima je zabranjen rad,
- c) toga što se bavi proizvodnjom radi izvoza, a čiji ukupni promet najmanje 50% čini izvoz,
- d) drugo (obrazložiti):

Brčko, \_\_.\_\_.\_\_\_\_.godine

\_\_\_\_\_  
potpis i pečat